

nema aðalfundur deildarinnar hafi ákveðið öðruvísi. Heimilt er aðalfundi eða forseta að ákveða, að vextirnir fyrir eitt ár í senn skuli renna í hinn almenna deildarsjóð. 58  
16. júní

6. gr.

Nú hættir Íslandsdeild Guðspekifjelagsins að starfa um stundarsakir og skulu þá allir vextirnir leggjast við höfuðstólinn uns deildin tekur aftur til starfa og útborgun vaxta hefst á ný samkvæmt 2. gr.

## REGLUGJÖRÐ

um

sölu áfengis til lækninga.

59  
1. júlí

Reglugjörð þessi er með ráði landlæknis sett samkvæmt lögum 27. júní 1921, um einkasölu á áfengi, og lögum 8. júní 1925, um aðflutningsbann á áfengi.

1. gr.

1. Um innflutning lyfja, sem áfengi er í, fer eftir 1. gr. nefndra laga um einkasölu á áfengi.
2. Rjett er, að læknar, sem lyfsölurjett hafa, afli sjer allra löggiltra áfengislyfja frá áfengisverslun ríkisins eða einhverri lyfjabúð hjer á landi, og sendi þá jafnan skriflega, sundurliðaða kaupbeiðni. En seljandi skal geyma allar slíkar kaupbeiðnir.
3. Þá er smáskamtalæknum heimilt að kaupa áfeng smáskamtalyf og vínanda í lyfjabýrningar sínar í lyfjabúðum. En þeir skulu þá eins og hjeraðslæknar jafnan senda skriflega, sundurliðaða kaupbeiðni, og fylgi hverri slíkri kaupbeiðni meðmæli frá hlutaðeigandi lögreglustjóra og sóknarpresti. Má vínandaskamturinn samtals ekki fara fram úr 3 lítrum á ári, nema landlæknir gefi leyfi til þess. Þessar kaupbeiðnir skal seljandi geyma, sbr. 2. lið þessarar greinar.

2. gr.

Lyfsölum og læknum er ekki heimilt að selja ómengað áfengi (spiritus), hvorki óblandað nje blandað öðrum efnnum, til neins annars en lækninga, sjúk-

- 59** dómsrannsóknna og annara iðkana í læknávisindum, nema um sölu á vínanda  
 1. júlí til iðnþarfa sje að ræða samkvæmt áfengisbók, sbr. reglugjörð dags. 7. ágúst  
 1922, um sölu á iðnaðaráfengi, suðuvökva o. fl. Er læknum stranglega bannað að  
 afhenda eða ávísu áfengi í þeim tilgangi, að það verði öðruvísi notað. Þetta  
 gildir einnig um dýralækna og smáskamtalækna.

### 3. gr.

Ekkert ómengað áfengi (spiritus), óblandað eða vatnsblandað, nje heldur konjak (spir. vini gallici) eða vín, sem löggilt eru til lækninga, má láta út úr lyfjabúð, nema eftir löglegri beiðni sbr. 1. gr., eða lyfseðli frá lækni, þar með taldir dýralæknar, og ekki nema einu sinni eftir sama lyfseðli; skal honum haldið eftir í lyfjabúðinni.

Nú verður það uppvíst, að einhver önnur áfeng lyf eru höfð til neyslu og má þá ákveða, að sama regla skuli gilda um þau og taka fram, hversu miklu megi ávísu í einu.

Á ílát hvers áfengislyfs, sem látið er af hendi eftir lyfseðli, skal jafnan, auk nafns lyfjabúðarinnar og fyrirsagnar um notkunina, einnig rita sjálfa forskriftina.

### 4. gr.

Í hverri lyfjabúð skal hafa tvær bækur til vitnis um áfengissölu:

- a. Vinnustofubók („Laboratoriumsjournal“).

Í hana skal rita öll þau lyf, sem búin eru til eða sett saman í lyfjabúðinni og áfengi er í. Skal þess getið við hvert lyf, hvenær það var búíð til, hve mikið af því og hve mikið áfengi (spir. conc.) fór í það. Lyfsölustjóri ræður annars fyrirkomulagi á þessari bók.

### b. Eyðslubók.

Í hana skal lyfsali rita, í lok hvers mánaðar, hversu mikið hann hefir selt af áfengi og lyfjavínnum, sbr. 3. gr. og a-lið þessarar greinar. Í þeirri bók skal þess greinilega getið, hversu mikið af áfengi og lyfjavínnum hafi verið selt læknum, sem lyfsölurjett hafa, og tilfarð nöfn þeirra. Að öðru leyti ræður lyfsölustjóri tilhögun þessarar bókar. Í lok hvers mánaðar skal hver lyfsali senda lyfsölustjóra mánaðarafrit úr þessari bók sinni. Jafnframt skal hann senda alla þá lyfseðla, sem komið hafa til afgreiðslu þann mánuð, og heyra undir ákvæði 3. greinar, sbr. einnig 5. gr.

Ákvæði þessarar greinar taka ekki til hjeraðslækna, sem hafa rjett til

lyfjasölu, en þeir skulu samt skyldir til að halda eyðslubók um alt áfengi og öll vín, er þeir láta úti. Bókin skal færð jafnóðum og úti er látið.

59  
1. júlí

### 5. gr.

Þegar læknir gefur út lyfseðla upp á áfengi, eða áfenga drykki eða áfeng lyf, sem ákveðið hefir verið að þartil skuli teljast, sbr. 3. gr., skal hann rita þá á sjerstök eyðublöð, sem landlæknir lætur úti í heftum með 50 tvöföldum, tölusetttum eyðublöðum í hverju hefti. Skal læknir skrifa á hvern seðil, auk nafns lyfsins og þyngdar, nákvæma fyrirsögn um notkun þess, útgáfudag seðilsins, nafn sitt og nafn og heimili sjúklingsins.

Læknir skal jafnan, er hann gefur út slíkan lyfseðil, skrifa fult afrit af honum á viðfesta blaðið í heftinu. Læknir fær því aðeins ný hefti, að hann sendi landlækni með beiðninni jafnmörg útnotuð hefti, með öllum afritunum í.

Hjeraðslæknar, sem sjálfir hafa lyfjaverslunina, eru, hver í sínu hjeraði, undanþegnir fyrir mælum þessarar greinar.

### 6. gr.

Ekki má læknir (mannalæknir) ávísa neinum meira í einu, hvorki sjálfum sjer nje öðrum, en sem svarar 210 gr. af spiritus concentratus, eða  $\frac{1}{2}$  flösku af konjaki, eða  $\frac{1}{1}$  flösku af öðrum vínnum, sem löggilt eru til lækninga, sbr. einnig 2. málsgrein 3. greinar, og ekki aftur sama viðtakanda fyrir en liðnar eru 3 nætur frá því að kaupin gátu átt sjer stað.

Heimilt er þó lækni að ávísa meira í einu en hjer er ákveðið, ef:

- a) Lög eða reglugjörðir mæla svo fyrir, t. d. til notkunar á skipum, sem fara í langferðir o. þvíl.
- b) Ef hann telur þess brýna þörf, t. d. handa sjúklingi, sem býr mjög langt frá læknum, og ef hann þekkir sjúklinginn að því, að hann muni ekki nota áfengið til nautnar. Skal þá jafnan stuttlega geta um ástæðuna á lyfseðlinum og afritinu.

### 7. gr.

Heilbrigðisstjórnin ákveður árlega, hversu mikið áfengi (spir. conc.), konjak og vín, sem löggilt eru til lækninga, hverri lyfjabúð og hverjum lækni, sem rjett hefir til lyfjasölu, verði mest látið í tje árlangt, og hversu miklu þeir læknar, sem ekki hafa rjett til lyfjasölu, megi ávísa í mesta lagi á ári.

Ákvæði þau, er ráðuneytið hefir áður sett í þessu efni, skulu vera óbreytt til 1. jan. 1926.

59  
1. júlí

8. gr.

Um brot gegn þessum reglum fer eftir fyrirmælum laga um einkasölu á áfengi frá 27. júní 1921 og laga frá 8. júní 1925, um aðflutningsbann á áfengi.

9. gr.

Reglur þessar ganga í gildi þegar í stað.

*Í dóms- og kirkjumálaráðuneytinu, 1. júlí 1925.*

F. h. r.

G. Sveinbjörnsson.

---

*Sigfús M. Johnsen.*